

New energy @ KPMG

KPMG na Aruba ta celebra su di 30 aniversario



ORANJESTAD— E aña aki ta recorda cu 30 aña pasa e prome oficina di KPMG a wordo estableci na Aruba. Sr. Tico Croes a habri e oficina Croes & Croes na Aruba. Despues di un par di aña su ruman Sr. Erwin Croes a join. Na aña 1998 e kantoor a wordo traspasa pa e oficina di KPMG di Caribe Hulandes. Algun aña despues e dos rumanan a dispidi di KPMG. Despues di esaki KPMG a habri filialnan na Boneiro, Surinam y Cuba y a expande su pakete di servicio. Awendia, KPMG den Caribe Hulandes y na Surinam ta un oficina cu

ta brinda servicio completo den ramo di accountancy y consultancy. Durante e recepcion diasabra anochi riba e parkeerplaats di KPMG na Wayaca, cual a wordo completamente transforma, a tuma luga tambe e introduccion oficial di e director nobo y lider di kantoor, Sra. Indira Solognier.

K-nectivity = E Forma Nobo Pa Traha
Indira Solognier ta introduci cu su reingreso na KPMG un forma nobo energico di traha. “KPMG ta un partner global cu berdaderamente tin bista

riba futuro y tin un vision pa loke ta trata innovacion y forman nobo di traha. Esey ta apela inmensamente na mi personalmente. Considera por ehempel e red di conocimiento di KPMG, pa medio di experticio global den sectornan y servicionan specifico nos ta trece nos profesionalnan local na un nivel halto y ta trece conocimiento cu ta “state of the art” pa Aruba. Esaki tin un balor inmenso pa nos clientenan y pa nos isla. Mi ta para tras di innovacion y ehecucion disciplina. Y mi ta kere den oportunidadnan nobo y den e futuro genera-

cion. Mi generacion tabatin e privilegio di ta parti di un generacion cu a experencia un cantidad incontabel di desaroyonan di modernisacion den tempo record. Considera por ehempel e LP (Long Play), cual awendia ainda ta wordo uza y television sin remote control.

Pero, nos a conoce tambe e instrumentonan innovativo di mas nobo manera pods, pads y droids. Loke ami ta haya fantastico ta cu KPMG ta pusha su mes pa ta prepara pa e generacion XY. Pasobra KPMG lo haci tur cos pa ta y keda e “employer of choice” pa e generacion XY, kende ainda ta sinta den bankinan di scol. Mi ta kere den e standard halto di norma y baloman, den respet y lealtad y den e balor di relacionnan,” Indira a bisa cu entusiasmo, para yen di energia na comienso di un reto nobo na KPMG.

EXITO DI KPMG TA DANKI NA E CLIENTELA

“Unda KPMG ta haci un diferencia ta e lealtad, esfuersonan, dedicacion y pasion di e KPMG’ers. Ta reina den e oficianan trabao di ekipo berdadero y continuamente ta percura pa rindi servicio di calidad pa yuda realisa e ambicionnan di nos clientenan. Tur hende ta sumamente orguyoso di loke nos a logra e ultimo añanan aki.

E exito di KPMG sigur ta danki na e grupo grandi clientel. Regularmente nos ta papia den reunionnan interactivo cu nos clientenan tocante e calidad di nos trabao. Pa medio di esaki nos por midi nos funcionamento y adapta esaki unda ta necesario. Nos clientenan ta aprecia nos trabao. Esaki nos ta ripara tambe na e cantidad di biaha cu nan ta bolbe

cu tareanan pa nos y e relacionnan di tempo largo cu nos tin cu nos clientenan. Pa medio di esaki e ta posibel tambe pa nos por inverti continuamente den nos personal y den innovacion, cual ta beneficia e servicio na nos clientenan,” segun Lindomar Scoop, presidente di KPMG den Caribe Hulandes y Surinam. “Finalmente mi kier enfatisa cu nos colaboracion estrecho den Reino cu KPMG Nederland ta ofrece hopi oportunidad pa futuro pa expande e posicion di nos operacionnan mas den e region aki.”

Cu esaki KPMG ta reforsa su lema “Cutting through Complexity”. Den un comunidad cu ta bira cada dia mas compleho nos clientenan ta spera di nos cu KPMG ta simplifica e retonan cu nan ta enfrente y ta asisti den resolve esakinan cu consehonan y solucionnan cu berdaderamente por wordo aplica y realisa. Aki ta unda cu KPMG hunto cu su personal ta haci e diferencia,” Solognier a expresa cu orguyo.

KPMG DEN CARIBE HULANDES Y SURNAM

KPMG den Caribe Hulandes y Surinam ta forma parti di e red global di operacionnan profesional cu ta provee servicionan di auditoria, belasting y conseho. KPMG ta activo den 140 pais y tin 146.000 profesional trahando den su diferente establecimentonan rond mundo.

Localmente, banda di su kantoor na Aruba, KPMG tin kantoor na Corsou, Boneiro, St. Maarten, Cuba y Surinam, y un relacion estrecho cu e organisacion ruman KPMG Meijburg Caribbean. Riba combinacion di potretnan por aprecia mas di e anochi aki riba e parkeerplaats di KPMG. □